

ՀՀ Արմավիրի մարզպետ Աշոտ Ղահրամանյանի շնորհավորական ուղերձը Կանանց տոնի առթիվ

Մեծագույն սիրով ու ջերմությամբ շնորհավորում եմ մեր մայրերին, տիկնանց,
քույրերին ու դուստրերին Կանանց միջազգային օրվա՝ մարտի 8-ի կապակցությամբ:

Հարգելիներս, որպես մայր, որպես կին, որպես քույր ու դուստր ի վերուստ տրված և
ձեր կողմից սիրով ստանձնած մեծ առաքելությունը դուք միշտ ինքնանվիրումով ու
արժանապատվության բարձր զգացումով եք կատարում:

Կանացի իմաստնությամբ, բարությանբ, համբերատարությամբ, լավատեսությամբ և
պետությանը, ընտանիքին, գործին, շրջապատողներին նվիրվելու անսահման
կարողությամբ դուք արժանի եք ամենաբարձր գնահատանքին: Իսկ այս օրը
լավագույն առիթ է արտահայտելու մեր ջերմ վերբերմունքը, անսահման սերն ու
հարգանքը ձեր նկատմամբ:

Սիրելի կանայք,

Գարնանային այս ամենագեղեցիկ տոնը թող կրկնապատկի ձեր ներուժը և արևի
լույսով ու ջերմությամբ լցնի ձեր հոգիները: Ապրեք առողջ, երջանիկ, սիրեք և միշտ
սիրված եղեք: Ամենայն բարիք ձեզ: